



Furmaziun supplementara tudestg per scolas primaras rumantschas

Broschura d'infurmaziun

D ▶ R

Uffizi per la scola populara ed il sport
ediziun avust 2011

CUNTEGN

Prefaziun	2
Element da la furmaziun supplementara	3
Adressas e persunas da contact	4

Prefaziun

Dapi l'onn da scola 2010/11 entschaivan las scolaras ed ils scolars en il chantun Grischun gia en la 3. classa primara ad emprender in'emprima lingua estra. Las personas d'instrucziun duain vegnir preparadas linguisticamain e didacticamain il meglier pussaivel a quella instrucziun.

Stimadas dunnas e preziads signurs

Per il chantun Grischun cun sias trais linguas chantunales è la convivenza da differentas linguas gia adina stada impurtanta. Perquai è l'emprima lingua estra che noss uffants emprendan ina lingua chantunala.



Da nov cumenzan las scolaras ed ils scolars en il chantun Grischun gia en la terza classa ad emprender ina lingua chantunala sco emprima lingua estra. Per ch'ils uffants na vegnian betg surdumandads èsi fitg impurtant d'instruir els cun ina didactica che cunvegn a lur vegliadetgna. Gist uschè impurtant èsi dentant che las personas d'instrucziun hajan ina competenza da lingua solida en la lingua estra ch'els instrueschan.

En accord cun las recomandaziuns da las scolas autas da pedagogia e da la Conferenza svizra da las directuras e dals directurs chantunals da l'educaziun publica (CDEP) ha il chantun Grischun autas finamiras per l'instrucziun da linguas estras sin il stgalim primar: Las personas d'instrucziun che instrueschan ina lingua estra duain savair fitg bain quella lingua ed era esser metodicamain e didacticamain sin il pli nov stan. Areguard la competenza da lingua munta quai che tut las personas d'instrucziun duain cuntanscher a lunga vista il nivel C1 per pudair garantir in'instrucziun communicativa ed orientada a l'acziun.

Quella finamira sto vegnir realisada cun resguardar la situaziun actuala ed ils basegns da las scolas grischunas e lur personas d'instrucziun. La furmaziun supplementara da las personas d'instrucziun na dastga betg periclitar il manaschi da scola e la qualidad da l'instrucziun a las scolas grischunas.

Da preschent èn bleras personas d'instrucziun dal stgalim primar anc engaschadas en ina furmaziun supplementara fitg intensiva per introducir il nov rom englais. Las grevezas ed absenzas che sa resultan da quai per las personas d'instrucziun muntan gia ina gronda sfida per las scolas grischunas.

Per quai motiv preveda la reglamentaziun per la furmaziun supplementara en las linguas chantunales che la lubientscha d'instruir las linguas chantunales vegnia gia dada cun ina competenza linguistica sin il nivel B2. En vista a las directives da la CDEP e la renconuschientscha interchantunala dals attests da qualificaziun cusseglia il chantun a tuttas personas d'instrucziun da terminar la scolaziun supplementara cun in certificat sin il nivel C1.

Jau sun persuadì che nus hajan stgaffi cun quest agir ed ils partenaris cumpigliads las megras premissas pussaivlas per ina furmaziun supplementara da success.

Nus ans allegrain da pudair porscher a Vus quella furmaziun supplementara interessanta e provocanta.

Departament d'educaziun, cultura e protecziun da l'ambient

Martin Jäger, cusseglier guvernativ

Element da la furmaziun supplementara

Areguard la cumpetenzza linguistica na ston las personas d'instrucziun rumantschas betg sa perfecziunar. Igl è dentant obligatori da frequentar la furmaziun supplementara en cumpetenzza metodologica per pudair instruir el futur.

Las personas d'instrucziun rumantschas en il chantun Grischun cuntanschan fin a la fin da lur scolaziun da basa ina cumpetenzza linguistica en tudestg almain sin il nivel C1. Cunquai adempleschan ellas las premissas per pudair garantir in'instrucziun communicativa ed orientada a l'acziun.

Cun la furmaziun supplementara en preparaziun duain las personas d'instrucziun che instrueschan en scolas rumantschas primaras tudestg sco emprima lingua estra actualisar lur enconuschientschas metodicas e didacticass.

Furmaziun obligatorica en cumpetenzza metodologica

Admissiun	Access a la furmaziun supplementara han personas d'instrucziun che han in diplom reconuschì da scolast primar, scolast spezialisà u mussadra da scoletta e talas che han ina permissiun da dar scola definitiva. Personas d'instrucziun che n'han anc betg il dretg d'instruir ina segunda lingua (p. ex personas d'instrucziun spezialisadas en la domena lavurs manualas ed economia da chasa) ston frequentar la scolaziun metodica e didactica da duas emnas a la Scola auta da pedagogia dal Grischun avant che pudair frequentar la furmaziun supplementara. Las propostas d'admissiun vegnan sulettamain inoltradas entras ils portaders da scola cun il formular Z1 correspondent. Mintga portader da scola ha per mintga classa cun instrucziun da tudestg sin il stgalim primar maximal in plaz per la furmaziun supplementara (contingent dal portader da scola). Ins po pir cumenzar cun la furmaziun supplementara cura che la decisiun da l'USS davart l'admissiun a la furmaziun è avant maun.
Pursch. d. cuors	Scola auta da pedagogia dal Grischun
Finamira e cuntegn	<ul style="list-style-type: none"> – Approfundaziun ed actualisaziun da la cumpetenzza metodologica per l'instrucziun da la lingua estra tudestg – Metodas per promover la communicaziun en l'instrucziun tras savida specificamain linguistica e culturala – Metoda da l'instrucziun orientada a l'acziun – Metoda d'emprerder cun scuvrir – Metodas actualas per registrar il stadi da la lingua
Durada e plan dal cuors	La furmaziun supplementara en cumpetenzza metodologica dura in di. Ils curs vegnan purschids a Cuir e probabel a Glion, Zernez e Savognin (cfr. il plan da curs actual sin la homepage da l'USS → www.avs.gr.ch/kantonssprachen). Il dumber da participants minimal per il curs munta a 12, il dumber maximal a 48 personas.
Annunzia per ils curs	Ils participants s'annunzian directamain tar la Scola auta da pedagogia dal Grischun (formular M1). Il termin d'inscripziun è 3 mais avant l'entschatta dal curs.
Repartiziun dals custs	Il chantun surpiglia ils custs dal curs. Las spesas vegnan surpigliadas dals portaders da scola (tenor las prescripziuns chantunalas minimalas).
Substituziun	Cunquai che quella furmaziun dura be in di, na datti betg il dretg per ina substituziun.
Finiziun	A partir da l'onn da scola 2015/2016 collia il chantun la permissiun d'instruir tudestg sco emprima lingua estra sin il stgalim primar cun la frequentaziun da la furmaziun supplementara obligatorica en cumpetenzza metodologica. Suenter avair terminà quella cun success survegnan ils participants da la Scola auta da pedagogia dal Grischun in document correspondent.

Adressas e persunas da contact

Infurmaziuns generalas

Homepage da l'Uffizi per la scola populara ed il sport (USS)
www.avs.gr.ch/kantonssprachen

Administraziun, Admissiun e finanzas

Uffizi per la scola populara ed il sport (USS)

Quaderstrasse 17
7000 Cuira

Tel. 081 257 30 60
Fax 081 257 20 33
info@avs.gr.ch

Cumpetenzas metodologica

Scola auta da pedagogia dal Grischun

Luzius Meyer, lic. phil.

manader da partiziun furmaziun supplementara

Scalärastrasse 17
7000 Cuira

Tel. 081 354 03 22
Fax 081 354 06 07
weiterbildung@phgr.ch